

Gvangjsih Minzcuz Bau

广西民族报 ganhhau: CN45-0036 B.2021 Nd.1 Ng.20 liggaeuq genceij nienz ndwenlab cobet

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3458 geiz
Geiz neix 8 banj

《Gojgaeq Vah Saw Minzcuz》Oksaw Fathengz

Bonjbauq siusik (gicej Dangz Lungz) Geij ngoenz gonq, Gvangjsih Yinminz Cuzbanjse、Gvangjsih Minzcuz Cuzbanjse doxgap oksaw fathengz bonj《Gojgaeq Vah Saw Minzcuz》youz bause dou bienraiz de.

Bonj saw neix aeu gij baudau baenzroix《Gojgaeq Vah Saw Minzcuz》guh goek ginggvaq bienhoiz cij baenz, gij baudau baenzroix neix dwg bause dou vihliux geiqniemh《Fangh'An Sawcuengh》fatbough 60 hopbi cix doiok; de aeu Sawcuengh、Sawgun doxdoiqciuq gangj 38 aen gojgaeq vah saw minzcuz. “Oksaw bonj《Gojgaeq Vah Saw Minzcuz》neix, aeu Vah-

cuengh Vahgun gangj gojgaeq Bouxcuengh, dijcienz lailai. De hawj vunz-lai cingcuq vunz Bouxcuengh naemj aeu hagsib、sawjyung、cienzboq Vahcuengh Sawcuengh, caemhseiz langhbaij Guengjsae minzcuz doxgiel、lai cungj vah doxndei caemh youq vanzlij vunz Bouxcuengh gyaenz guek, caiqlij caen ndaej senhconz gij cwngecwz vah saw minzcuz dangj caeuq guekgya.” Boux dang gvaq Cunghyangh Minzcuz Dayoz fuyau-cangj de Liengz Dingzvang youq mwh raiz gij vahbainhaj bonj saw neix baenzneix naeuz.

38 aen gojgaeq gangj le 38

bouxvunz caen miz、hawj vunz sim raeuj、dijndaej raeuz youh gingq youh gyaenz. Gyoengqde mizdi gag roengz-rengz hag Sawcuengh, bienqbaenz boux cienzboq Vahcuengh Sawcuengh, baenz ciuhvunz cungj haengrengz haiuk guh gij saeh neix; mizdi vunz banngoenz nyaengq ra cienz ra gwn, banhaemh angq hag Sawcuengh, Vahcuengh Sawcuengh mbouj hawj de ndaej saek faen ngaenz, hoeng de yawj Vahcuengh Sawcuengh dijbaui baenz-maz bae; mizdi vunz haengq sing heuh vunz lai hawj Vahcuengh Sawcuengh hwngfat; mizdi vunz ngoemxngoemx ok rengz guh hongsaeh Vahcuengh

Sawcuengh; mizdi vunz banh banson-lienh Sawcuengh hawj vunz lai ndaej-leih; mizdi vunz youq gwnz vangjloz hai dendaiz; mizdi vunz youq gwnz gvangicangz gyaenz haw hamj daihhaij de eu Fwencuengh. Gyoengqde guh neix guh de, dang neix dang de, gag ok gak cungj banhfap ciepcienz doigvangq Vahcuengh Sawcuengh; aeu sawcih、singyaem、ingjsiengq cienzbo doigvangq Vahcuengh Sawcuengh; aeu cozbini Vahcuengh swnj mingh Vahcuengh Sawcuengh; baengh eu fwen、raiz faenzcieng, geiq ndei、ciepcienz、doigvangq gij vwnzva maenhndei Bouxcuengh.



Sanhgyangh: Youq Gwnz Vangjloz Sonlien Dinfwngz Coicaenh Ciepcienz

1 nyied 14 hauh, Liujcouh Si “sam gih vunzcaiz” aen godangz gwnz vangj soh boq mbouj aeu cienz sonlien golaux Dungcuz、gobizbaz Dungcuz de youq Sanhgyangh Dungcuz Swciyen yienhsingz hwnjdangz, haujlai bouxmaij yinhyoz Dungcuz de ndaej yawj gwnzvangj soh boq, mbouj yung ok dou couh ndaej hag rox gij dinfwngz feihyiz golaux Dungcuz、gobizbaz Dungcuz daengj. (Gungh Bujangh)

Gih Raeuz Caiq Dem 152 Aen Hanghmoeg Feihyiz Swcigih Gaep

Geij ngoenz gonq, Gvangjsih Bouxcuengh Swcigih Yinminz Cwngefuj Vwnzva Caeuq Lijyouz Dingh doekdingh daihbet buek sweigih gaep feihvuzciz vwnzva yizcanj daihyaujsing hanghmoeg mingzloeg, buek neix gungh miz 152 hangh ndaej senj haeuj mingzloeg. Buek mingzloeg neix baudaengz

faenzhag ndawbiengz, yinhyoz cienzdoengj, foux cienzdoengj, heiq, dijiyuz cienzdoengj、youzyi、cazgi, meijsuz cienzdoengj, yw cienzdoengj, minzsug 9 loih hanghmoeg, gungh miz 152 aen, gijsoq hanghmoeg ndaej senj haeuj de dwg haujlai bi doxdaeuj cei q lai. Ndawde, gij heiq、meijsuz cienzdoengj gak miz 3 aen, faenzhag

ndawbiengz、yinhyoz cienzdoengj、foux cienzdoengj gak miz 8 aen, dijiyuz cienzdoengj、youzyi caeuq cazgi miz 11 aen, yw cienzdoengj miz 13 aen, minzsug miz 22 aen, dinfwngz cienzdoengj gungh miz 76 aen, ciemq cungsoq 50%, dwg gij loih feihyiz miz hanghmoeg ndaej senj haeuj cei q lai de. (Bangz Gwzbingz)

SIUSIK DINJ

● Bi' gvaq, daengx gih gungh ndaem faex cauh ndoeng 321.4 fanh moux, ciemq gijsoq yinvu 260 fanh moux de 123.5%, ndaem 8126 fanh go faex. Ciuq cam rox, gih raeuz gaenq laebdaeb 13 bi bibi ndaem faex 300 moux doxhwnj.

(Cangh Leiz)

● Bi' gvaq, Vujsenh Yen daengxbuenz doihaeuj 87 aen hanghmoeg hungdaeuz (ndawde miz 12 aen swcigih hanghmoeg), daih-gaiq gungh roengz 479.43 ik maenz. Suenq daengz bi' gvaq 12 nyied daej, Vujsenh Yen gij hanghmoeg ngamq haigoeng、guhsat de cungj guhsat yinvu; guhbaenz roengzcienz 64.97 ik maenz, guhsat daengx bi yinvu 155%. (Liengz Yijsungh)

● Haijgvanh Cungjsuz 14 hauh ok soqgawq, bi' gvaq guek raeuz gijsoq gaicawx huq cin cuzgouj gungh 32.16 fanh ik maenz, beij bi' gyai caemh duenh gyalai 1.9%, miz binghra q bwntdat caeuq danhbenh cujiy baujhu cujiy daengj lai yiengh rengzat le vanzlij beij gaxgonq cungj lai, baenz le gwnz sei qgyai q aen ginghcidij daeuz dog gaicawx huq ndaej gyalai. (Liuz Hungzyaz)

● Suenq daengz bi' gvaq nienzdaej, daengx gih gunghsiuh hidung gaenq guh baenz 800 lai aen gungsiuhse cunh gaep, aeu ciennieb hozcozse doxlien daiqdoeng nungzhoh 50.44 fanh vunz, gij gungsiuhse caengzdaej gaicawx gungh souhaeuj 124.15 ik maenz, rengzrwd dwkdoeng “goengleix cei q laeng” fugsah nungzyez nungzcunh nungzminz. (Vangz Yengin z)